

ማክቢቤ ማፃኣፖ ዓይያ ካር

ማክቢቤ ማፃኣፖይዳ ፃኣፒንቲ ዓኣሢ ዓሲ ናንጋ ዎዴ ቃሚሢ ማዔሢ ሌሊቱዎንቲ ኬሰኪሢ ኬዲሢና ሜቶና ዲቤያ፡ ዎጌ ዎቢሢንታ ሂርጋንታ ኩሜያ ማዒያ ዔሪያይዳፓ ዔቁያና «ዓሲኮ ናንጊ ጉሪ ባኣዚኬ» ጌይ ኬኤዜ ፔቲ ዔር ዓሲሰኬያኮ ማለሢኬ። ዬይ ዓሢ ዓሲ ናንጊኮ ጋፒንሢ ዎማካታቲያ ዔሪ ዎይሢ ያኣሲኮ ማለያ ዔራኒ ዳንዳዒባኣሴ፤ ያዲ ማዔያታቲያ ናንጊንታ ዎዶ ቢያና ዓሲሞ ዳንዳዒንታማጉዲ ዶዲ ማዲሢና ያኣሲ ዒንጋ ባኮና ዎዛዳንዳያ ኮይሳሢ ዓሶ ዒ ዘራኔ።

ዬያ ዓሢኮ ማለያኮ ባሼሢ ዎለና ካኣሙዎ ማለሢ ዓኣያ፡ ጊንሢ ሃሢ ሃጊ ማዓ ዎዛ ቲቁሢ ማለሢያ ኩሜያኬ፤ ያዲ ማዔያታቲያ ሃና ማፃኣፔላ ጌኤዢ ማፃኣፖይዳ ዓኣያ ማዒያ ጌኤዢ ማፃኣፖኮ ጎኑማ ሜሌ ዓታዛ ዬያ ዎለና ካኣሙዎያ ማዔ ማለያንታ ሂርጎ ማለያ ኩሜ ማፃኣፖዎ ቃሲ ዓርቄያ ዳልጊ ማዔሢ ዔርዛኔ። ሃይ ማክቢቤ ማፃኣፓ ዓሲኮ ናንጊ ለማሌኤሽጉዲ ዳዎሢር ሚርጌ ዓሲ ሃኖ ማፃኣፖፓ ዶዶሞ ዴንቁኔ፤ ዬያጉዲ ሃሢ ዬያ ማለያ ዔርዛ፡ ሃና ፔቲ ጌኤዢ ማፃኣፔላ ናንጊሞ ዴኤፒ ቤሲ ዒንጋ ያኣሲዳ ሃጊ ማዓ ጉሙርቁሢ ጌሢን ዳንዳዒያ ማዒያ ዘራያታሢ ዔያታ ዔራኔ።

ማፃኣፔላ ዲማ ዲማ ዓርቄ ባኮ

- ናንጊ ጌይሢ ዎዚ ጌይሢታቲያ (1:1—2:26)
- ቢያ ባኣዚኮ ዎዴ ዓኣያ ማዔሢ (3:1-8)
- ናንጊ ቢያ ዎዴ ኮሺ ማዐዎታሢር ዔራቶና ናንጊሢ ዛላ (3:9—6:12)
- ሹምፔ ዛላ ማለሢ (7:1—8:17)
- ሴካ ቤርቲሞ ዓይጌ ማዓንዳቲያ ያኣኒያ ዔራዎያ ማዔሢ (9:1—11:8)
- ያኣሲ ቦንቸሢና ዒዛሞ ዓይሢንቲሢ ዛላ (11:9—12:14)

ቢያ ባኣዚ ጉሪ ማዔሢ
 1 ዬራሳላሜይዳ ካኣታዴ፡ ዔራሢ፡ ዳውቴ ናኣዚ ኬኤዜ ዔራቶ ሃይሳ ያዲኬ፤
 2 ዒዚ ሃዚ ጌዔኔ፡- ቢያ ባኣዚ ጉሪ፡ ጉሪፓኣ ጉሪ ባኣዚኬ፤ ቢያ ባኣዚ ጎኔና ጉሪኬ።

3 ዓሲ ናጋ ዓጮይዳ ማዲ ለቢንታ ባኮኮ ዴንቆንዶ ባካ ዓይጎዳይ?

4 ፔ ዎዶና ዓኣ ዓሳ ጋፔሞ ሚሌ ዓሲ ቤዛ ኬሰካኔ፤ ሳዓ ጋዓንቴ ለኣሚንቴዎን ናንጊና ዶዲ ናንጋኔ።

5 ዓቢ ኬሰከ ጌላኔ፤ ጊንሣ ሃሣ ኬሰከ ቤዛ ባንሢ ሃላኒ ሩኡራኔ።

6 ዠባሬ ሊካ፣ ጊንሣ ሃሣ ሌካ ዠባርሻኔ፤ ሺራኣ ሺራ ጊንሣ ማዓኔ።

7 ዎሮ ዋኣፃ ቢያ ባዞ ባንሢ ጎዓኔ፤ ባዛ ጋዓንቴ ኩሙዋኣሴ፤ ዋኣፃ ዓልቁ ኬሰካ ቤዛ ጊንሣ ማዓ ዴንዳኔ።

8 ቢያ ባኣዚ ለቢሲ ሹሹናሳያኬ፤ ዬያ ሹናሲዖ ዓሲ ሃያኬ ጌይ ኬኤዚ ጋፒሳኒ ዳንዳዑዋያኬ፤ ዓኣፒ ዛጊ፣ ዋይዚያ ዋይዚ ታኣሞ ጊዴኔ ጎዑዋሴ።

9 ማና ቤርታ ማዔ ባካ ጊንሣ ሺሪ ማዓኔ፤ ሃሢ ማዲንታ ባካ ቢያ ቤርታኣ ማዲንቴያ ዔርታ ባኣዚኬ፤ ዬያሮ ዓጪ ማዔ ካራናይዳ ቢያ ዓከ ጌይንታ ባኣዚ ባኣሴ።

10 ዓይጎ ዓሲያኣ፡- «ሃይሾ ሃይ ዓከ ባኣዚኬ!» ጌዔቴ ዬይ ባካ ኑ ሾይንታንዳሢኮ ቤርታ ዓኣያ ማዓ ዔርታያኬ።

11 ጊንሢሞ ዓኣጳ ዎዶይዳ ማዲንቴ ባኮ ቢያ ጳቁሢ ዔራይ ባኣሴ፤ ዬያቶ ሄሊ ጊንዖ ሙካ ባኮ ማዔቴያ ሙካ ዎዶይዳ ዓኣ ዓሲሞ ማላታ ማዓ ባኣዚ ባኣሴ።

ዔሮ ዓሢ ፔ ናንጎይዳፓ ዴንቁ ዔራቶ

12 ታኣኒ፣ ሃያ ሃይሶ ኬኤዛሢ ዬሩሳላሚይዳ ዴዒ ዒሰራዔኤሌ ዓሰ ዎይሢ ካኣቲኬ፤

13 ጫሪንጮኮ ዴማ ማዲንቴ ባኮ ቢያ ኮሺ ዛጊ ዔራኒ ታኣኒ ማሌኔ፤ ሃያ ዴኤሢ ጫኣና ዓሲ ናይ ኬዲ ለቢንታንዳጉዲ ያኦሲ ዔያቶም ዒንጌኔ።

14 ዓካሪ ሃያ ዓጮይዳ ማዲንቴ ባኮ ቢያ ታ ዛጌኔ፤ ጋዓንቴ ቢያ ባካ ጉሪ ማዔሢ ታ ዴንቁኔ፤ ቢያ ባካ ዠባሬ ኩቻ ዴኡሚ ዓርቃኒ ጌይሢጉዲኬ።

15 ዎሶ ባኣዚ ፒካኒ ዳንዳዑዋሴ፤ ባኣ ባኣዚያ ፓይዲንታኒ ዳንዳዑዋሴ።

16 ታኣኒ ታ ዒኖና፡- «ታኣኮ ቤርታ ዬሩሳላሚ ዎይሢዘንሢሢ ቢያ ባሺ ዴኤፒና ዔራ ዓሲያኣ ታ ማዔኔ፤ ዔራቶና ጪንጩሞና ዓይጎታቴያ ሚርጌና ታ ዛጌኔ» ጌዔኔ፤

1:16 1ካኣቶ. ማ 4:29-31።

17 ዔራቶና ጨንጨዋና፡ ጊንሣ ዣኣሹዋና ዔኤያቶና ዔራራነ ታኣኒ ታ ዔኖና ኮሺ ማሌኔ፤ ዩይያ፡- ዠባሪ ኩቻ ዱኡሚ ዓርቃኒ ማሊሢጉዴያ ማዔሢ ታ ዔሬኔ።

18 ጨንጨዋ ሚርጌ ዋዶና ማሊሢ ሚርጋኔ፤ ዔራቶ ሚርጋዛኣ ማሊ ሚታዲ ዲባኔ።

2

ሳዓይዳ ዓኣ ዋዛ ጉሪ ማዔሢ

1 ታኣኒ ታና ዋዛሳኒና ዋዛ ጌይሢ ዓይጎ ማዔቴያ ዛጊ ዔራራነ ማሌኔ፤ ጋዓንቴ ዩይ ጉሪ ማዔሢ ታ ዴንቄኔ።

2 ሚኢቸ ዔኤያቶይዳፓ ዱማዲባኣያ፡ ጊንሣ ሃሣ ዋዛኣ ፓሣ ባኣዚ ባኣያ ማዔሢ ታ ዔሬኔ።

3 ዩይ ቢያ ማዔቴያ ጨንጨዋ ዴንቃኒ ታኣኮ ዓፃዳ ማሊያ ጊንያ ዓኣዲ ዔኖ ታኣኮ ዋይኖ ዑዠና ዋዛሲ ዋዛሲ ሃውሻንዳ ዋዴ ዓኣያ ማሃኒ ታ ዔኖና ታኣኒ ማሌኔ፤ ዓሲ ቢያ ሳዖይዳ ናንጋ ቃሚያ ናንጎማ ጋራ ማዳቴ ኮሺ ማዓንዳ ባኣዚ ዓይጎታቴያ ታ ዔራራነ ኮዔኔ።

4 ፔቴ ዴኤፒ ባኣዚ ታኣኒ ማዳኔ፤ ዩይያኣ፡- ናንጎንዶ ማኣሪ ታ ማዠኔ፤ ዋይኔያ ታኣኒ ቱኩኔ፤

5 ዱማ ዱማ ዓኣፒ ዓኣፓ ሚሢንታ ሚዛጲ ቡኒንታ ማሌ ሚሢያ ቱኮንዶ ቤሲ ታ ጊኢጊሺኔ፤

6 ዑጋ ሚያ ዑሻኒ ዋኣሢ ዴይሃንዶ ቦቆሊያኣ ታኣኒ ቦኣኬኔ፤

7 ዓቲንቄንታ ላኣሊ ካራሚያኣ ታ ሻንቄኔ፤ ማሌ ሃሣ ማኣራ ታኣኮ ማዳ ዓሳ ሾዔ ዓይሌ ታኣኮ ዓኣኔ፤ ታኣኮ ቤርታ ዩሩሳላሚይዳ ናንጌ ዓሶፓ ቢያ ባሺ ሚርጌ ባይንታ ዋኣሪንታ ማራይያኣ ታ ቆሌኔ።

8 ታኣኒ ዋይሣ ዓጮኮ ዱማ ዱማ ፓቄንቴ ዓጮይዳፓ ቢራንታ ዋርቄንታ ቡኩሲ ዲቢ ቆሎ ታ ዴንቄኔ፤ ታና ዓኣሢ ዓኣሢ ሄርሺ ኮርጋንዳ ዓቲንቄንታ ላኣሊንታ ታኣኮ ዓኣኔ፤ ዓሲም ኮሺንታና ዋዛና ዒንጋኒ ዴንዳዓ ሚርጌ ላኣሊያ ታኣኒ ቡኩሲ ዔኩኔ።

9 ዩያይዳፓ ዔቄያና ታኣኮ ቤርታ ዩሩሳላሚይዳ ናንጌ ዓሶፓ ቢያ ባሺ ዴኤፒ፡ ቦንቸንቴ ዓሲ ታኣኒ ማዔኔ፤ ዔራታኣ ታኣኮ ታኣና ዶዲ ናንጌኔ።

10 ዓኣፓ ታኣኮ ዛጌሢንታ ዒና ታኣኮ ዓፃዴ ባኮ ቢያ ታ ዴንቄኔ፤ ታ ዑያም ኮይሳ ዋዛ ቢያ ታ ላኣጊባኣሴ፤ ላቢ ታ ማዳ ባኮና ቢያ ታኣኒ ዋዛዳሢሮ ዓካሪ ታኣም ጎዖናማ ዩማኬ።

2:4 1ካኣቶ. ማ 10:23-27፤ 2ዖኣሲ. ዓሃኬ 9:22-27። 2:7 1ካኣቶ. ማ 4:23።

2:8 1ካኣቶ. ማ 10:10፤ 14:22። 2:9 1ዖኣሲ. ዓሃኬ 29:25።

11 ዬያ ቢያ ታ ማደሰካፓ ዬያ ታኣኒ ዳንቃኒ ላቢ ማደ ማደ ቢያ ዛጋዛ ዔኤቢ ፓሠቀ ባኣዚ ማዕሚ ታ ዛጌኔ፤ ዬያ ሌሊቱዋንቴ ዠባሬ ኩቻ ዱኡሚ ዓርቃኒ ማሊሢጉዴያ ጉሪ ባኣዚ ማዕሚ ታ ዳንቄኔ።

12 ዋይቲቲያ ካኣታ ማደኒ ዳንዳዓሢ ዒዛኮ ቤርታ ዓኣ ካኣታ ማደሢ ዛጊሢኸኔ፤ ዬያር ታኣኒያ ዓራቶንታ፣ ዔኤያቶንታ ዠኣሹሞዋ ዓይጎታቲያ ዛጊ ዔራኒ ታ ኮሺ ማሌኔ።

13 ዬካፓ ታ ሂዚ ጌዔኔ፡- «ጎኔና ፖራ ዲሚዳፓ ኮሺ ማዕ ጎይዖ ዔራቶዋ ዔኤያቶይዳፓ ኮሺ ማዕሚ ታ ዛጌኔ።

14 ዔራ ዓሲ ዔቄ ቤዘንታ ዳንዲ ሄላንዳ ቤዘንታ ዔራኔ፤ ዔኤያ ዓሲ ጋዓንቴ ዬያ ቢያ ዔራዋሴ» ያዲ ማዕቲያ ዔራሢንታ ዔኤያሢንታ፣ ለምግሢ ካፔ ባካ ፔቲ ባኣዚ ማዕሚ ታ ዔራኔ።

15 ዬያር፡- «ዔኤያሢ ሄላ ባካ ታናኣ ሄላንዳያኸኔ፤ ዬያር ሃያይዲ ታኣኮ ዔር ማዕዓ ዓይጎ ታና ማኣዴይ?» ጌይ ታ ዒኖና ታ ማሌኔ። ቤዘማና ታኣኒ፡- «ዬይ ቢያ ጉሪኸ!» ጌዔኔ።

16 ዔራሢ ማዕቲያ ዔኤያሢ፣ ለምዓሢ ሚርጌ ዋዴ ማሊ ዔያቶ ጳቄሣንዳ ዓሲ ባኣሴ፤ ሃጊ ሙካ ዋዴይዳ ኵኡኒ ቢያሢ ዋለንቲ ዓታንዳኔ፤ ዔር ዓሶ ማዕቲያ ዔኤዮ ዓሶ፣ ኦና ቢያሢ ሃይቢ ካፒ ዓኣኔ።

17 ሜቶይዳፓ ዓታዛ ታኣኒ ዳንቄ ባኣዚ ባኣሢር ናንጊ ጌይሢ ዋዚ ጌይሢታቲያ ታኣም ዔርቲባኣሴ፤ ዬይ ጉሪ ማዕሢር ዠባሬ ኩቻ ዱኡሚ ዓርቃኒ ማሊሢጉዴያኸኔ።

18 ታኣኮ ዓኣ ቆሎ ቢያ ታ ቤዛ ጌላሢም ሃሺ ታ ዓኣዳንዳሢር ሃያ ሳይይዳ ታኣኒ ላቤሢንታ ዲቢሺ ታ ዳንቄ ባካ ቢያ ጉሪኸ፤

19 ታኣኮ ጊንዖ ሙካንዳሢ ዔራ ማዕቲያ ዔኤያ ዲማዲ ዔርቲዋሴ፤ ያዲ ማዕቲያ ታኣኒ ላቤሢንታ ዲቢሺ ታ ዳንቄ ባኮ ቢያ ዒዚ ዔኪ ዓዳ ማዕንዳኔ፤ ዬይያ ጉሪኸ።

20 ዬያር ሃያ ዓጮይዳ ታ ማደሢንታ ላቤ ባኮ ቢያ ታ ማላዛ ሃጊ ማዕ ዋዛ ባኣ ዓሲ ታና ማሄኔ።

21 ኔኤኮ ዓኣ ዔራቶና ኔ ዳንቄ ጨንጨሞና ኔ ሜታዲ ዳንቄ ባኮ ቢያ ፔቲታዖ ላቢባኣ ዓሲም ሃሺ ኔ ዓኣዳንዳኔ፤ ዬይያ ጉሪ ማዕሢር ጉሪ ላቢሢኸ።

22 ሂዳዖ፣ ዓሲ ማሊ ሜታዲ ፔ ናንጎ ዋዴይዳ ላባ ባኮኮ ቢያ ዳንቃንዳ ባካ ዓይጎዳይ?

23 ዓሢ ፔ ናንጎ ዋዴማና ዒ ማደ ባካ ቢያ ዒዛ ዖዳሳያና ማሊሳያ ማዕማፓ ዓታዛ ፔቲታዖ ዒዛ ማኣዳንዳ ባኣዚ ባኣሴ፤ ዬያ

ሌሊቱዋንቴ ዋንቶታዎ ማሊፃፓ ዲ ሃውሻዓኬ፤ ዩይ ቢያ ጉሪኬ።
 24 ዓካሪ፣ ዓሲም ማዓንዳ ባአዚ ዓይጎዳይ ጌዔቴ ላቢንቴ ማዲ ዴንቄ ባኮ ቢያ ሙይ ዑሽኪሢና ፔና ዋዛሲሢኬ፤ ዩይያ ያኦሲዳፓ ዒንገንቴያ ማዔሢ ታ ዔሬኔ።
 25 ዒዚ ጌይባአንቴ ሙይ፣ ዑሽኪያ ዑሽኪ ኮሹሞንታ ዋዛንታ ዴንቃኒ ያኦኒ ዳንዳዓይ?
 26 ዒዛ ዋዛሴ ዓሲም ያኦሲ ዔራቶንታ ጨንጨፍሞንታ ዋዛአ ዒንጋኔ፤ ጎሜ ዓሲም ጋዓንቴ ላቢሢ ሌሊ ማዓኔ፤ ዩያሮ ዒዚ ቡኩሴ ቆሎ ቢያ ላቢንቴባአያ፣ ገንሣ ሃሣ ያኦሲ ዋዛሴ ሜሌ ዓሲም ሃሺ ዓአዳንዳጉዲ ዒዛ ማሃኔ፤ ዩይያ ቢያ ጉሪ ማዔሢሮ ዠገገሬ ኩቻ ዲኡሚ ዓርቃኒ ማሊሢጉዴያኬ።

3

ቢያ ባአዚኮ ዋዴ ዓአያ ማዔሢ

- 1 ሃይካ ሳዓ ማዲንታ ዓይጎ ባአዚያ ቢያ ማዲንታንዳጉዲ ያኦሲ ጌሢ ለዔና ዋዴና ዓአኔ፤
- 2 ዩያሮ ያኦሲ ጌሢ ጎይያና፡-
 - ሾይንታኒ ዋዴ ዓአኔ፤
 - ሃይቃኒ ዋዴ ዓአኔ፤
 - ቱካኒ ዋዴ ዓአኔ፤
 - ቱጋኒያአ ዋዴ ዓአኔ።
- 3 ዋዲኒ ዋዴ ዓአኔ፤
 - ፓሣኒያ ዋዴ ዓአኔ፤
 - ማዠኒ ዋዴ ዓአኔ፤
 - ሻሃኒያአ ዋዴ ዓአኔ።
- 4 ዩኤካኒ ዋዴ ዓአኔ፤ ሚኢጫኒ ዋዴ ዓአኔ፤
 - ሲያኒ ዋዴ ዓአኔ፤
 - ኮርጋኒያአ ዋዴ ዓአኔ።
- 5 ሹጮ ቡኬ ቤዛፓ ላአላኒ ዋዴ ዓአኔ፤
 - ገንሣ ቡኩሳኒያአ ዋዴ ዓአኔ፤
 - ኮንቃኒ ዋዴ ዓአኔ፤
 - ሃሺ ዲማዲኒያአ ዋዴ ዓአኔ።
- 6 ዔኤቢ ኮዓኒ ዋዴ ዓአኔ፤
 - ኮዑዋየ ሃሻኒያአ ዋዴ ዓአኔ፤
 - ቡኩሲ ዓርቃኒ ዋዴ ዓአኔ፤

2:23 ዒ.ዮ. 5:7፤ 14:1። 2:24 ማክ. 3:13፤ 5:18፤ 9:7፤ ሉቃ. 12:19፤ 1ቆር. 15:32። 2:26 ዒ.ዮ. 32:8፤ ኮኦኪ. 2:6።

ለአሊ ባይዛኒያኦ ዋዴ ዓኣኔ።

7 ዳርዛኒ ዋዴ ዓኣኔ፤
ሲካኒያኦ ዋዴ ዓኣኔ፤
ዚቲ ጋዓኒ ዋዴ ዓኣኔ፤
ጌሰታኒያኦ ዋዴ ዓኣኔ።

8 ናሽካኒ ዋዴ ዓኣኔ፤
ዒፀኒያኦ ዋዴ ዓኣኔ፤
ፆልዚኮ ዋዴ ዓኣኔ፤
ኮሹሞኮዋ ዋዴ ዓኣኔ።

9 ዓካሪ፥ ማዳሢ ፔ ላቢፀፓ ዴንቃ ባካ ዓይጌንዴዳይ?

10 ዓሲ ናይ ማዲ ላቢንታንዳጉዲ ፆኦሲ ዔያቶሞ ዒንጌ ዴኤፆ ኬደ ታኣኒ ዛጌ።።

11 ፆኦሲ ፔቴ ፔቴ ባካ ማዲንታንዳጉዲ ዋዴ ጌሢሥና ቢያ ባኮ ሚዛጲ ማሃ ኮሼኔ፤ ዓሲ ናንጊና ናንጋያ ማዔሢ ዔራንዳጉዲ ዒኔ ዒንጌ፤ ዓሲ ጋዓንቴ ዬያ ዒ ማዳ ባኮ ቢያ ጋፒሲ ዔራሞጉዲ ዒ ማሄ።።

12 ዓሲ ሸምፔና ዓኣፆ ዋዛዲሢና ኮሺ ባኣዚ ማዲሢናፓ ባሽ ባኣዚ ባኣሢ ታ ዔሬ።።

13 ዓሲ ማታዲ ላቢ ዴንቄሢ ዛሎ ሙይ ዑሽኪ ዋዛዳንዳጉዲ ፆኦሲ ዒንጌ።።

14 ፆኦሲ ማዳ ባካ ቢያ ናናንጋያታሢ ታ ዔሬ፤ ዬያይዳ ቃሲንታ ባኣዚያ ማፆም ዔከንታ ባኣዚያኦ ባኣሴ፤ ፆኦሲ ዬያ ማዳሢ ዓሲ ዒዛ ዒጊጫንዳጉዲከ።።

15 ሃሢ ዓኣ ባካ ቢያ ዋንዴ ቤርታ ዓኣ ባኣዚከ፤ ሴካ ቤርታ ማዲንታ ባካ ሚና ዓኣያከ፤ ፆኦሲ ዬያ ቤርታኣ ባኮ ጊንሃ ማዲንታንዳጉዲ ኮኮዓ።።

ሳፆይዳ ፒዜ ዋጌ ዋጊንቱዋያ ማዒፆ

16 ሳፆይዳ ሚሌ ባኣዚ ታ ዛጋ፤ ዬይያ፡- ፒዜሞ ማዲንታንዳ ቤዛ ዋይዚ ዒፀሢ፤ ፒዜ ዋጌ ዋንጎዶ ቤዛ ጌኔ ማዳ ዲቤሢ ታ ዴንቄ።።

17 ታኣኒያ፡- «ቢያ ባኣዚኮ ጋፒንሢ ዋዴ ዓኣሢሮ ዋይዘ ዒፆ ዓሶይዳ ማፆም ፒዜ ዓሶ ዑፆ ፆኦሲ ዋጋንዳ።» ጌይ ማሌ።።

18 ዬያ ሌሊቱዋንቴ፡- «ዓሲ ቆልሞይዳፓ ዓይጎናኣ ዲማዲዋኣሢ ዔያታ ዔራንዳጉዲ ፆኦሲ ዔያቶ ዲማ ዲማ ባኣዚዳ ጌልዚ ዛጋ።» ጌይ ታኣኒ ማሌ።።

19 ጎኔና ዓሲና ቆልሞና ካፒ ዓኣማ ፔቴ ባኣዚከ፤ ዓሳ ሃይቃሢጉዲ ቆልማኣ ሃይቃ፤ ላምፆንሢኮ ዑኡዞ ዔከፆ ዋሊ

ማላያኬ፤ ዓካሪ፣ ላምዖንሢ ዔኤቢ ጉሪ ባኣዚ ማዔሢሮ ዓሲ ቆልሞይዳፓ ዲማቱዋሴ።

20 ዓሲ ማዔቲያ ቆልሞ ላምዖንሢ ፔቲ ቤሲ ዓኣዳንዳኔ፤ ዬይያ፡- ዔያታ ዓጪዳፓ ኮሽንቲያ ማዔሢሮ ጊንሣ ዓጪ ባንሢ ማዓንዳኔ።

21 ሂዳዖ፣ ዓሲኮ ሸምፓ ሌካ ዓኣዳሢና ቆልሞንታ ቦዖንታኮ ሸምፓ ሊካ ሳዖ ጌላሢ ዲማሲ ዔራሢ ዖናዳይ?

22 ዓሲ ካፒ ዓኣማ ፔኤኮ ማዳ ማዶና ዋዛዳሢታሢሮ ዬያፓ ባሽ ባኣዚ ባኣሢ ታኣኒ ዛጌኔ፤ ዬያኮ ጊንፃፓ ማዓንዳ ባኮ ላሚ ጊንሣ ዒ ዛጋንዳጉዲ ማሃንዳሢ ዖናዳይ?

4

ሄርቁንቲ ዋርቁሢ፣ ላቢ ማዲሢ፣ ላጌ ባኣያ ማዒሢ

1 ሃያ ሳዖይዳ ዋጌኮ ፒዙሞ ፓጪሢንታ ጌኔ ማዲንታ ታ ዛጌኔ፤ ሄርቁንቲ ዋርቃ ዓሳ ዔያቶ ደዲሻያ ባይዚ ዬኤካኔ፤ ኮዔ ባኣዚ ማዲኒ ቢታንታ ዔያቶ ዋይሣ ዓሳ ኩጫታሢሮ ዔያቶ ማኣዳንዳ ዓሲ ዬይ ዓሳ ዴንቁ ባኣሴ።

2 ዬያሮ ታኣኒ፡- «ሃያይዲ ሸምፔና ናንጋዞንሢፓ ሚና ቤርታ ሃይቁ ዓሳ ዋዛዲ ናንጋኔ» ጌዔኔ።

3 ጋዓንቲ ዬንሢ ላምዖንሢፓ ሃጊ ሸይንቲባኣያ፣ ጊንሣ ሃሣ ሃያ ዓጮይዳ ሄርቁ ዋይሢዖና ጌሮ ማዶዋ ዛጊባኣዞንሢ ባለቲና ዓኣያኬ።

4 ሜሌ ሃሣ፡- ዓሲ ፔ ኮዔ ባኮ ዴንቃኒ ደዲ ማዲ ላባሢንታ ማዳኣ ጊኢጋሢ፣ ፔኤኮ ላጎ ዛጊ «ታኣም ማዓኣቢሽ» ጌይሢና ማዔሢያ ታ ዔሬኔ፤ ዬይ ቢያ ጉሪታሢሮ ዠባሬ ኩቻ ዓርቃኒ ማላሢጉዴያኬ።

5 ኩቹ ማርቲ ዴዓ ቤልፃ ዓሲ ፔና ናይዚና ዋዳኔ።

6 ዠባሬ ኩቻ ዓርቃኒ ማላሢጉዴያ ዔርቲባኣ ማላሢና ሚርጌ ባኣዚ ዴንቃኒ ላቢንቲፓ ሂርጋባኣ ሃውሽሢና ዳካ ዴንቃኒ ማዲሢ ቃራኬ።

7 ጊንሣ ሃሣ ሃያ ሳዖይዳ ማዲንታ ሜሌ ጉሪ ባኣዚ ታ ዛጌኔ፤

8 ናይ፣ ሃሣ ጌርሲባኣያ ፔኤሮ ሌሊ ናንጋ ፔቲ ዓሲ ዓኣኔ፤ ያዲ ማዔቲያ ቢያ ዋዴ ዒዚ ማዶና ላቢንቲፓ ጊንሢም ጎዑዋሴ፤ ጊንሣ ዴንቃ ቆላ ጊዴኔ ጌይ ዔሩዋሴ፤ ዬያ ሌሊቱዋንቲ «ታ ላባሢ ዖኣምዳይ? ታ ታኣሮ ታና ዋዛዲያ ላኣጋሢ ዓይጎርዳይ?» ጌይ ፔና ዖኣጫኔ፤ ዬይ ቢያ ጉሪ ባኣዚ፣ ጊንሣ ሃሣ ሜቶ ናንጊኬ።

9 ዓይቶ ማደኮ ዓኣፓ ኮሺ ማዓኒ ዳንዳዓሢር ፔቴ ሌሊ ማዓሢፓ ላምዖ ማዓሢ ሻሼኬ።

10 ላምዖ ዓሲፓ ፔቴማ ሎኦሜቴ ባጋሢ ዔቁሳንዳኔ፤ ፔኤር ሌሊ ማዓ ዓሲ ሎኦሜቴ ዩያ ዔቁሳንዳ ዓሲ ባኣሢር ዒዛ ባደዔ።

11 ላምዖ ዓሲ ዋላ ላሄቴ ያያደኔ፣ ፔኤር ላሄ ዓሲም ዋዲ ያያዳንዳይ?

12 ፔቴ ዓሲ ፔኤር ሌሊ ማዓ ቃዛኒ ዳንዳዐ-ዋ ባኣዚ ላምዖ ማዓ ቃዛኒ ዳንዳዓኔ፤ ሃይሃ ማሃ ቢኢሪ ሱኪንቴ ሻላጋዖ ዑኩና ዲጰቆሱ።

13 ዘር ዔኩዋ ዔኤያ ማዓ ጋርቺ ካኣቴፓ ጨንጫ ማዓ ማንቆ ዴጌ ባሻኬ።

14 ፔቴ ዓሲ ካይዘይዳፓ ሸይንቴቴያ ቴኡሲ ማርካፓ ኬሰኬያ ማዓቴያ ካኣጋዳኒ ዳንዳዓኔ።

15 ሃያ ሳያይዳ ናንጋ ዓሳ ቢያ ካኣቴ ቤዛ ጌሊ ካኣጋዳንዳ ፔቴ ዴጌሰኬያኮ ጊንዖ ዓኣዳንቴ ታ ዛጌ።

16 ዩይ ካኣጋዳ ወይሃ ወደና ዒዛም ዋርቃ ዴራ ኮሺ ሚርጌኬ፤ ዒ ካኣቴማፓ ኬይ ወደና ጋዓንቴ ዒ ማዴ ባኮ ዛሎ ዒዛ ጋላጋንዳ ፔቴ ዓሲጋዎ ጰዳዓኬ፤ ዩይያ፣ ዠባሬ ኩቻ ዓርቃኒ ማላሢጉዴያ ጉሪ ባኣዚኬ።

5

ያኦሲ ዒጊጨሢ

1 ያኦሲ ካኣሸካኒ ያኦሲ ማኣሪ ኔ ጌሌ ወደና ኮሺ ካፒንቴ፤ ዒኣካ ዴንዳዖ ኮኩ ፑርቶይዳፓ ዲማሲ ዔሩዋዖ ዔኤዮ ዓሳ ማዳ ጎይዖ ያኦሲም ዒንጎ ዒንጊዖ ሸኢሸይይዳፓ ዘር ዑኡሲ ዋይዛኒ ጊኣጊንቴያ ማዓዖ ባሻኬ።

2 ኔ ጌሰጋንዳሢኮ ቤርታ ማሌ፤ ያኦሲም ፔቴ ባኣዚ ዒንጋኒ ሩኡሩዋና ናኣቢ ናኣቢፖ፤ ያኦሲ ጨሪንጫ፣ ኔኤኒ ጋዓንቴ ሳዓ ማዓሢ ማሊጋፓ ኔ ጌሰጋ ባካ ዳካ ማዖንጎ።

3 ማዶ ሚርጋዛ ዓውቴ ዓውጋሳሢጉዲ ሚርጌ ዑኡሲ ዓኣ ቤሰካ ዔኤያቶ ጌኤሲ ፔጋዲ ዔርታ።

4 ያኦሲ ዔኤዮ ዓሶና ዋዛዲቆሱ፤ ያኦሲም ፔቴ ባኣዚ ዒንጋኒ ኔ ናኣቤ ወደና ቤዘማና ናኣቤ ባኮ ዒንጊ ኩንሢኒ ጊኣጊ።

5 ናኣቢ ኩንሡዋዖ ሃሺሢዳፓ ቤርታ ናኣቢባኣቴ ቃራኬ።

5:4 ዓይኔ. 66:13-14።

6 ጎሜ ባንሢ ኔና ዔኪ ዓኣዲዋጉዲ ዳንጋ ኔኤኮ ሚርጌ ጌሰታንዳጉዲ ሃሺፖ፤ ያኦሲም ማዳ ዓሶ ቤርታ «ሃያ ታ ጌዔሢ ዔሩዋያኮ» ጌይፖ፤ ያኦሲም ኔ ዒንጋኒ ናኣቤ ዑኡዞና ኔ ባኮ ኔኤኒ ባይዛያ ማሃኔ።

7 ሚርጌ ዓውቲና ሚርጌ ጌኤሲና ጉሪኬ፤ ዬያይዳፓ ያኦሲ ዒጊጨ።

ዖርጎቹዋ ጉሪ ባኣዚ ማዔሢ

8 ፔቲ ዓጨዳ ጌኔ ማዲንታኣና፣ ፒዜ ዋጌያ ፓጨም ማንቆ ዓሳ ሄርቁንታሢ ዛጋያ ዲቃቲ ሄርሺፖ፤ ዓይጎር ጌዔቲ ፔቲ ፔቲ ዋይሢ ዓሶኮ ዑፃ ማዒ ዛጋይ ዓኣኔ፤ ሃሢ ቢያሢኮ ዑፃ ማዒ ዛጋይ ሜሌያኣ ዓኣኔ።

9 ጎሺዳፓ ጰዳ ባኣዚ ቢያሢ ማኣዳኔ፤ ካኣቲያ ማኣዲንታሢ ዬያ ጎዣፓኬ።

10 ቢራ ናሽካ ዓሲ ቢራ ዴንቃያ ሚሽኩዋሴ፤ ዖርጎቹ ማዓኒ ኮዓ ዓሲያኣ ዔኤቢ ዴንቁያ ታኣም ጌዴኔ ጎዑዋሴ፤ ዬይያኣ ጉሪኬ።

11 ቆሎ ሚርጋዛ ሚርጌሢጉዴያ ሙዓይ ሚርጋኔ፤ ዓካሪ፣ ዛጊ ዋዛዲሢዳፓ ዔሶ ዓደም ዓይጎ ዋኦታ ባኣዚ ዓኣይ?

12 ሚኢሺ ጨጊንቴም ማዳ ማዳ ዓሲ ሚርጌ፣ ሃንጎ ዳካ ሙዔቲያ ኮሺ ጊንያ ጊንዒ ዋርቃኔ፤ ዖርጎጮ ዓሶኮ ቆሎ ሚርጉማ ጋዓንቴ ጊንያ ባይዛኔ።

13-14 ሃያ ዓጨይዳ ኮሺ ያዩሳ ፑርታ ባኣዚ ሃሢ ታ ዛጌኔ፤ ዬይ ዓይጎዳይ ጌዔቲ፡- ዓሲ ሜቶ ኬለና «ኑና ማኣዳንዳኔ» ጌይ ቆሎ ቡኩሳኔ፤ ጋዓንቴ ፔቲ ዔርቲባኣ ፑርታ ባኣዚ ቆሎ ዔያቶኮ ባይዛዛ ዔያቶኮ ናኣቶም ዒንጎንዶ ባኣዚያ ዓቲዋያ ማዒያኮ።

15 ዓሲ ዒንዶ ጎጳፓ ካሎ ሾይንታኔ፤ ዒ ሃይቃያ ሾይንቴማ ጎይያ ካሎ ማዒ ዴንዳኔ፤ ዒ ሚታዳ ባካፓ ፔቲታያ ኩጫ ዔኪ ዓኣዲኒ ዳንዳዑዋሴ።

16 ካሎ ዒ ሾይንቴማጉዲ ሃይቃያ ካሎ ዓኣዲፃ ሚርጌና ያዩሳያኬ፤ ዒዛኮ ልቢፃ ቢያ ዠባሪ ኩቻ ዓርቃኒ ማሊሢጉዴያ ጉሪ ማዓቲ ዬይ ዓካሪ ዓይጎ ማኣዳይ?

17 ፔኤኮ ዒ ናንጎ ዋዶ ጋፒሴሢ ዲሚ ዓቲ ናንጊዳ ያዩሢና፣ ማሊ ሚታዲሢና፣ ሮኣጎናኬ።

18 ዓካሪ፣ ታኣኒ ዛጌ ኮሺ ማዔ ባኣዚ ዓይጎዳይ ጌዔቲ ዓሲ ሃያ ሳይይዳ ዓኣያ ያኦሲ ዒንጌ ዳኮ ናንጎማ ጋራ ፔኤኮ ልቤ ባኮ ቢያ ሙይ ዑሽኪ ዋዛዲሢኬ፤ ዓሲም ዓይሢንቴማኣ ዬማ ሌሊኬ።

5:15 ዒ.ዮ. 1:21፤ ዓይኡ. 49:17፤ 1፻፱. 6:7።

19 ያኦሲ ዓሲም ቆሎና ያርጎቹሞና ዒንጌሢ ዒ ላቤ ጎይያ ዴንቁ ሙይ ዑሽኪ ዋዛዳንዳጉዲኬ፤ ዬይያኣ ያኦሲ ዓሲም ዒንጌ ዒንጌሢኬ።

20 ያኦሲ ዓሲኮ ዒኖ ዋዛሳሢሮ ዓሲ ዳካ ናንጌቴያ፤ ጊንሣ ሃሣ ሚርጌ ናንጋሢሮዋ ኮሺ ሜታዲ ማሉዋሴ።

6

1 ሃያ ሳዓ ዓሲዳ ቢያ ሄላ ሚርጌና ፑርታ ባኣዚ ታኣኒ ዛጌ።

2 ያኦሲ ዓሲም ቆሎንታ ያርጎቹሞንታ ቦንቸዋ ቢያ ዒንጋ፤ ኮይሳ ባኣዚዳፓ ዓይጎዋ ፓጩሲባኣሴ፤ ያዲ ማዔታቴያ ዓሲም ዒንጊንቴ ቆሎና ቢያ ዓሲ ዋዛዳዋሴ፤ ዒዚ ላቢንቴ ቆሎሢና ሜሌ ዓሲ ዋዛዳኔ፤ ዬይ ጉሪ ላቢሢ፤ ጊንሣ ሃሣ ሚርጌ ፑርታ ባኣዚኬ።

3 ፔቴ ዓሲ ጭታ ናይ ሾዔቴ፡ ያዶሲ ለዔ ዴይ ሚርጌ ዋዴ ናንጌቴያ፡ ዒዚ ዋዛዳንዳጉዲ ኮይሳ ባኣፓ ቢያ ዒዛም ማዓያ ዒ ዴንቁዋ ፓፒንፃ ቦንቸንቴ ዲኡኪንቴዋዎዎዋ ዓቴቴ ዬይ ማሊሳያኬ፤ ዬያጉዴ ዓሢዳፓ ሃይቄያ ማዒ ሾይንቴያ ባሺኬ ታ ጌዔ።

4 ዓይጎሮ ጌዔቴ ዬይ ሃይቄ ሾይንቴሢ ጉሪ ማኣዳ ባኣዚባኣያ ማዒ ኬዳ፤ ጊንሣ ሃሣ ዲሚና ዲኡቴ፤ ሱንፃ ዒዛኮ ፔጋዲ ዔርቲባኣሴ።

5 ዒዚ ዓቢ ፖዒያኣ ዛጉዋዎ፡ ናንጌ ዓይጎ ማዔቴያ ዔሩዋዎ ሃይቄሢ ዬይ ሃንጎያይዳፓ ፔቴና ሃሃውሺ።

6 ዓካሪ ላምዎ ጳንጩ ሺያ ለዔ ዋዛባኣያ ናንጌቴ ዓይጎ ዒዛ ማኣዳንዳይ? ሺራኣ ሺራ ላምዎንሢ ዓኣዳሢ ፔቴ ቤሲኬ።

7 ዓሲ ማዲ ላባሢ ሙዎ ባኣዚ ዴንቃኒኬ፤ ያዲ ማዔቴያ ማሊፃ «ታኣም ጊዴ፤!» ጌይ ሃውሹዋሴ።

8 ጩንጫ ዓሲ ዔኤያሢዳፓ ባሻሢ ዓይጎናዳይ? ማንቆ ዓሲ ዋመይዲ ናንጋንዳቴያ ዔሪፃ ዓይጎ ዒዛ ማኣዳይ?

9 ዓፃዲሢ ማሊሢና ዣኣሽኪ ሺሪሢዳፓ ዓኣፒና ዛጊሢ ቃራኬ፤ ዬይያ ሃሣ ጉሪ፡ ዠባሬ ኩቻ ዓርቃኒ ማሊሢጉዴያኬ።

10 ሃሢ ዓኣ ባኮኮ ቢያ ሱንሢ ቤርታ ጌሢንቴያኬ፤ ዓሲ ዋዚጉዴ ማዠንቴታቴያ ቤርታ ዔርቲያኬ፤ ፔጊዳፓ ዑሣ ዶዲ ማዔያና ያልዚ ያልታኒ ዓይጎ ዓሲያኣ ዳንዳዑዋሴ።

11 ሚርጌ ኑ ጌሰቴ ዋዶና ጎ፤ ዓኣፖ ማዓ ጌኤዘንሢ ዳካኬ፤ ዓካሪ ዬይ ዓሲም ዓይጎ ቃሳይ?

12 ዳካ ማዕዳ፣ ሺቢጉዲ ዓኣዳ ወደይዳ ዓሲም ኮሺ ማዕንዳ ባኣዚ ዔራሢ ያናይዳ? ገንሣ ሃሣ ዓሲ ሃይቁሰካፓ ሃያ ሳይይዳ ዓይጌ ማዕንዳቴያ ያኣኒ ከኤዛኒ ዳንዳዓይ?

7

ናንጊ ዛላ ማለሢ

1 ኮሺ ሱንሢ ሚርጌ ሚኢሽ ከሳ ሳውቃ ቲሺፓ ባሽኬ፤ ሸይንቴ ከሌዳፓ ሃይቢ ከሌ ኮሺኬ።

2 ሃይቢ ዓሲ ቢያኮ ጋፒንሢ ማዕሢ ሸምፔና ዓኣ ዓሲ ዒና ዔኪ ዔራጎዳጉዲ ሙኡዚ ማኣሪ ዓኣዳሢዳፓ ዩኤፒ ዓኣ ማኣሪ ዓኣዳሢ ቃራኬ።

3 ሚኢቸዳፓ ያዩሢ ኮሺኬ፤ ያዩንቴ ዓኣፒ ካራ ዒናም ቃራኬ።

4 ጨንጮ ዓሲኮ ዒና ዩኤፒ ዓኣ ማርካ ማዕኔ፤ ዔኤዮ ዓሶ ዒና ጋዓንቴ ዋዛ ቤሰካ ማዕኔ።

5 ዔኤዮ ዓሶ ኮዖ ዋይዚያይዳፓ ጨንጮ ዓሶኮ ዞር ዋይዚያ ኮሺኬ።

6 ዔኤያ ዓሲኮ ሚኢቸ፡- ያቲ ዳንካ ዔኤቴ ፃንቃ ዓንጊሢጉዲ ማዕሢር ቡሊሢባኣ ጉሪ ባኣዚኬ።

7 ጌኔ ማዶ ጨንጮ ዓሲ ዔኤያ ማሃኔ፤ ዳማና ዒንጎ ሚኢሽ ዓሲኮ ዒኔ ባይዛኔ።

8 ፔቴ ባኣዚኮ ዓይሢዳፓ ጋፒንሢ ኮሺኬ፤ ሆኦሊንቴ ጌሰታ ዓሲዳፓ ዔኤቢ ገቢ ዳንዳዓ ዓሲ ቃራኬ።

9 ዳጋ ዔኤያ ዓሲኮ ዑኬታሢር ዳጎ ማሊያ ኔኤኮ ገቢ ዳንዳዔ።

10 ሃያጉዳ ያኦጨሢ ጨንጮ ዓሲ ያኦጨዋኣሢር «ሃያ ወደይዳፓ ሚናኣ ወደና ማዳንቴ ባካ ቢያ ዋዚ ኮሸካይ?» ጌይ ያኦጨፖ፤

11 ዔኤቢ ዳካሊ ዔከሢዳፓ ዔራቶ ዳንቁሢ ባሽ ማዕሢር ሃያ ዓጮይዳ ናንጋ ዓሳ ቢያ ጨንጮ ማዕንዳያ ኮይሳኔ፤

12 ሚኢሽ ዓሲኮ ጎንጃ ማዒ ማኣዳሢጉዲ ዔራቶ ያዲኬ፤ ዩያፓ ባሽ ፔ ቆሎ ማሂ ዔራቶ ዓርቁሢም ሸምፖ ካፒ ዓይሳኔ።

13 ሂንዳ፣ ያኦሲ ማዶ ማሊ ጳቁሢ፤ ያኦሲ ዋቢሽቴ ያኦኒ ፒሻኒ ዳንዳዓይ?

14 ዋዳ ኮሺ ማዕዛ ኔና ዋዛሶንጎ፤ ዋዳ ፑርታዛ ጋዓንቴ ማሊ ጳቁሢ፤ ሃያንታ ዩያንታ ማዳሢ ያኦሲኬ፤ ዩያር ዓሲ ዓይጎዋ ማዖም ሃጊ ሴካ ቤርታ ማዕንዳ ባኣዚ ዔራኒ ዳንዳዐ-ዋሴ።

7:1 ኮኣኪ. 22:1። 7:9 ያይ. 1:19።

15 ታናንጌ ዳኮ ወደማይዳ ፑርታ ማዳ ዓሲ ማዳ ዳቢንቶና ሚርጌ ሌዔ ናንጋንቴ፣ ኮሺ ዓሲ ፔ ኮሹሞና ባይቃንቴ ሚርጌ ታኣኒ ዛጌኔ፤

16 ዬያሮ ኔኤኒ ባይቁዋጉዲ ሚርጌና ጨንጫ ዓሲ፣ ጊንሣ ሚርጌና ጂሎ ዓሲኬያኦ ጌይ ኔና ዛጊፖ።

17 ዎዳ ኔኤኮ ሄሉዋንቴ ሃይቢና ኔ ካአሙዋጉዲ ሚርጌ ፑርታ፣ ጊንሣ ሃሣ ዔኤያኦ ማዒፖ።

18 ፔቴዘ ዓርቃዎ፣ ማሌዘዋ ሃሺባኦቴ ቃራኬ፤ ጾኦሲ ዒጊጫ ዓሲ ፔቴማ ሌሊ ባሽኬ ጌይ ዶዲዋሴ።

19 ፔቴ ካታማይዳ ናንጋ፣ ዓሲ ዎይሣ ታጾ ዓሲዳፓ ባሽ ማሊ ጳቂሣ ዓሲሞ ዔራቶ ዎልቄ ዒንጋኔ።

20 ፔቴታዎ ዳቢንቴዎ ሲያ ዎዴ ኮሺ ባኣዚ ማዳ ጂሎ ዓሲ ሳዓይዳ ባኣሴ።

21 ጌሰቲንታ ሃይሶ ቢያ ዎይዛኒ ኮይፖ፤ ጎዎንቴ ኔኤኮ ዓይላሢ ኔና ጫሽካንቴ ኔ ዎይዛንዳያ ናንዳኔ።

22 ሚርጌ ዎዴ ኔኤኒ ኔ ቶኦኪና ሜሌ ዓሶ ጫሽኪ ጫሽኪ ናንጌሣ ዒና ኔኤኮ ዔራኔ።

23 ታኣኒ ታኣኮ ዓኣ ዔራቶና ሃያ ቢያ ዛጊ ዔራኒ ማሌኔ፤ ሚርጌና ጨንጫ ዓሲ ማዓኒያኦ ታ ኮዔኔ፤ ጋዓንቴ ዬይ ታ ኮይላፓ ሃካያ ማዔኔ።

24 ጨንጩዎ ዎይቴቴ ዎይቴቴያ ሄለንቴዎ፣ ሃኬታሢሮ ጾኦኒ ዬያ ሄላኒ ዳንዳዓይ?

25 ዬያሮ ጨንጩዎና ዔኤቢ ቢያኮ ጎይሢ ዛጊ ዔራኒ ታ ማሌኔ፤ ዬይያኦ ፑርታ ማዳ ዔኤዩሞ ማዔሢ፣ ጊንሣ ሃሣ ዔኤዩሞ ዣኣሹሞ ማዔሢ ታና ዔርዘኔ።

26 ሃይቢዳፓ ባሽ ጫንቃያ ሜሌ ባኣዚ ታ ዳንቄኔ፤ ዬይያኦ ላኣሊ ፒራ ፒሮኬ፤ ላኣሊ ሮኦጮ ሱዘ ማላያ ማዔ ናሹሞ ፒራሢና ዓቲንቆ ፒራኔ፤ ጊንሣ ሃሣ ዓንጊ ዲጃጉዴያ ማዔ ዒዘኮ ቃሶና ማሪ ዓርቃኒ ኮዓኔ፤ ጾኦሲ ዒጊጫ ዓሲ ሌሊ ዒዘይዳፓ ቶላኒ ዳንዳዓኔ፤ ጎማዴ ዓሲ ጋዓንቴ ዒዘ ፒራሢ ዳዲንታንዳኔ።

27 ጨንጩ ዓሢ ሂዚ ጌዔ፡- «ሃይሹ፣ ታኣኒ ኮሺ ዛጊ ዳንቄ ሜሌ ባኣዚ ሃሣ ያዲኬ፤

28 ዬይ ባካ ኮሺ ታ ዛጊያይዳ ዓኣዎ ዳንቄባኣ ባኣዚኬ፤ ሺያ ዓቲንቄይዳፓ ፒዜ ዒና ዓኣኔ ጌይንታኒ ኮይሳ ፔቴ ዓቲንቄ ሌሊ ታኣኒ ዳንቄኔ፤ ላኣሎ ባኣካፓ ጋዓንቴ ፔቴ ላኣሊታዎ ታኣኒ ዳንቃኒ ዳንዳዒባኣሴ።

29 ታ ኮሺ ዛጊ ዔሬ ሜሌ ባኣዚ ዓይጎዳይ ጌዔቴ ያኦሲ ዓሲኮ ዒና ፒዜ ማሂ ማገፍሂኬ፤ ዓሲ ጋዓንቴ ሚርጌ ጌኔ ማዶ ጎይሂ ማዠ ማዠ ኬሴኔ።»

8

1 ጨንጫ ዓሲጉዳይ ያናዳይ? ዔኤቢኮ ቢያ ቡሊሂ ዔራይ ያናዳይ? ዔራቶ ዓሲኮ ዓኣፒ ካራ ፖዒሃኔ፤ ካርቴ ዓኣፖ ካርዋ ቡቡላኔ።

ካኣቲም ዓይሂንተሂ

2 ካኣቲም ታኣኒ ዓይሂንተንዳኔ ጌይ ያኦሲም ኔኤኒ ጨኣቄሂር ካኣቲም ጉሙርቂንታያ ማዔ።

3 ካኣቲ ቤርታፓ ዒ ጋዓ ባኮ ዋይዚ ዒዲ ሩኡሪና ኬሰኪፖ፤ ዒዚ ናሽኬ ባኣዚ ማዳኒ ዳንዳዓሂር ፑርታ ማዶና ዶዲፖ።

4 ካኣቲኮ ቢያ ባኣዚ ማዳኒ ቢታንቶ ዓኣሂር «ዓይጎር ኔ ሃያ ማዳይ?» ጌይ ዒዛ ያኦጫንዳይ ባኣሴ።

5 ዒዛኮ ዓይሂያ ማዳኒ ኔ ኩንሂቴ ሜታ ኔና ሂላዓኬ፤ ዬይ ቢያ ማዳኒንታንዳ ዋዶና ማዓንዳ ጎይያዋ ዲማሲ ዔራሂ ጨንጫ ዓሲ ሌሊኬ።

6 ሜታ ቢያ ዋዶ ዓሲ ሜታሳያ ማዔቴያ ቢያ ባኣዚኮ ዋዶንታ ማዓ ጎይሂንታ ዓኣኔ።

7 ሃጊ ሴካ ቤርቲም ማዓንዳ ባኣዚ ዲማሲ ዔራ ዓሲ ባኣሂር «ያዲ ማዓንዳኔ» ጌይ ኬኤዛንዳይ ያናዳይ?

8 ሺምፖ ዓይሳኒና ሃይቢ ኬሊ ቦካኒ ዳንዳዓይ ያኦኒያ ባኣሴ፤ ዓይጎ ዓሲያኣ ያልዚ ቤሲዳፓ ዓኣዳኒ ዳንዳዐ-ዋኣሂጉዲ ፑርቲሞዋ ፑርቶ ማዳ ዓሶ ሃሹዋሴ።

ፑርታ ዓሲና ኮሺ ዓሲና ዛላ ባኣዚ

9 ሃያ ሳይዳ ማዳኒንታ ባኮ ዒናፓ ታ ዛጋያ ሃያ ባኮ ማሊ ታ ጳቂሃኔ፤ ፔቴ ዓሲ ባጋሂ ባይዛኒ ቢታንቶና ዋይሂ ዋዶ ዓኣኔ።

10 ፑርቶ ማዳ ዓሳ ቦንቾና ዲኡታሂያ ታ ዛጌኔ፤ ያኦሲ ዓሳ ጋዓንቴ ያኦሲም ዲማዴ ካታማፓ ኬሰኪ ዓኣዲ ዋሊንታኔ፤ ዬይያኣ ቢያ ጉሪኬ።

11 ዓሳ ዔራሬ ዓይጋ ፔና ዋጌና ያኦጨሳ ባኣዚ ማዳይ? ዬያ ማዳሻሂ ሜሌቱዋንቴ ዬያ ማዳ ዓሶ ዑፃ ዑኩና ኮይሳ ጎይያ ዋጊንቱዋኣሂርኬ።

12 ጎሜ ማዳ ዓሲ ዋጌና ያኦጨሳ ባኣዚ ጃኤታ ማይንቲ ማዳያ ሚርጌ ዎዴ ናንጋያ ማዳያታቲያ ያኦሲ ዒጊጫ ዓሶና ቦንቻ ዓሶሞ ቢያ ባኣዚ ኮሽካሢ ታኣኒ ዔሬኔ።

13 ቸርቶ ማዳ ዓሶሞ ጋዓንቴ ዓይጎ ባኣዚያኣ ጊኢጉዋሴ፤ ዔያታ ያኦሲ ዒጊጫዋኣሢር ናንጋ ዔያቶሲ ሺቢጉዲ ዓኣዳኔ፤

14 ዬያ ሌለቱዋንቴ ሳዖይዳ ማዳንታ ሜሌ ጉሪ ባኣዚያኣ ዓኣኔ፤ ፔቴ ፔቴ ዎዴና ኮሺ ማዳ ዓሳ ቸርቶ ማዳ ዓሶ ሄላንዳ ሜቶ ዔካኔ፤ ቸርቶ ማዳ ዓሳ ሃሣ ኮዡ ማዳ ዓሶ ሄላንዳ ባኣዚ ዔካኔ፤ ዬይያኣ ቢያ ጉሪኬ ታኣኒ ጌዔኔ።

15 ዬያር ዓሲ ሃያ ሳዖይዳ ናንጋኣና ኮይሳሢ ሙኡዚ፥ ዑሺና ፔና ዎዛሲሢታሢ ታ ዔሬኔ፤ ያኦሲ ሃያ ሳዖይዳ ናንጊሻ ዎዶማና ዒ ማዳ ማዳና ዎዛዲ ናንጋኔ።

16 ዔራ ማዳኒና ሃያ ሳዖይዳ ማዳንታ ባኮ ቢያ ኮሺ ዛጊ ዔራኒ ታ ማሌ ጎይያና ዓሲ ዋንቴና ሮኦሪና ሃውሾ ባኣያ ላቢሢና ናንጋያታሢ ታ ዴንቅኔ።

17 ያኦሲ ማዳ ባኮ ቢያ ታ ዛጌኔ፤ ሃያ ሳዖይዳ ማዳንታ ባኮ ያኦኒያ ዔራኒ ዳንዳዑዋሴ፤ ዓሲ ሚርጌ ባኣዚ ኮሺ ዛጊ ዔራኒ ዎዚ ላቢንቴቲያ ፔቴ ባኣዚያ ዴንቃኒ ዳንዳዑዋሴ፤ ጎኔ ጨንጮ ዓሳ «ሃያ ኑ ዔራኔ» ጋዓኒ ጫርቃንዳያ ናንዳኔ፤ ጋዓንቴ ዔያታ ዔራ ባኣዚ ባኣሴ።

9

1 ዬያ ባኮር ሚርጌ ዎዴ ኮሺ ታኣኒ ማሌሰካፓ ጂሎ ዓሶንታ ጨንጮ ዓሶንታኮ ማዳ ያኦሲ ኩጫ ማዔሢ ታ ዛጌኔ፤ ዬያር ሃጊ ሴካ ቤርቲም ማዓንዳ ባካ ናሹሞታቲያ ዒጂሢ ቤርታዲ ዔራ ዓሲ ባኣሴ።

2 ዓይጎናኣ ዳማሱዎዎ ጂሎንታ ጎሞሲንታ፥ ሃሣ ኮዡ ማዳ ዓሶንታ ቸርቶ ማዳ ዓሶንታ፥ ጌኤዡ ዓሶንታ ጌኤዡቱዋ ዓሶንታ፥ ያኦሲም ዒንጎ ባኮ ዒንጋ ዓሶንታ ዒንጉዋ ዓሶንታማኣ ዒንጊንታንዳ ባካ ዎሊጉዴያኬ፤ ዬይያኣ ኮዡ ዓሢም ማዳንታ ጎይያ ጎሞሲማኣ ማማዳንታኔ፤ ጫኣቁሞ ዒጊጨ ቦንቻሢንታ ቦንቹዎኣሢንታም ማዳንታንዳ ባካ ሄኮኬ።

3 ሳዓይዳ ማዳንታ ባኮኮ ቢያ ቸርቱማ ዬያኬ፤ ቢያሢኮ ጋፒንፃ ፔቴኬ፤ ዓሳ ናንጋ ዎዶ ቢያይዳ ማሊፃ ዔያቶሲ ቸርቱሞና ዒኖይዳኣ ዔያቶኮ ዡኣሹሞ ኩሜያኬ፥ ጋፒንፃ ዔያታ ሃይቃንዳኔ።

4 ሃይቁ ዘቢዳፓ ሳዛና ዓላ ካኒ ባሼ ማዓሢጉዲ ሼምፔና ናንጋ
ዓሳ ባኣካ ናንጋ ዓሲኮ ሃጊ ማዓ ዋዛ ዓላኔ።

5 ሼምፔና ዓላ ዓሳ ፔቴ ኬሊ ሃይቃንዳሢ ሴያታ ዔዔራኔ፤ ሃይቁ
ዓሳ ጋዓንቴ ፔቴ ባኣዚታዎ ዔሩዋሴ፤ ጋፒንሢ ሴያታ ዋሊንቴያ
ማዔሢሮ ፓሣ ባኣዚ ባኣያኬ።

6 ዔያቶኮ ናሹሞንታ ዒጾንታ ቂኢሩሞንታ ቢያ ዔያቶና ዋላ
ሃይቁኔ፤ ሃያ ዓጫ ማዲንታ ባኮ ናንጊና ዔያታ ማዲሞያ ማዓኔ።

7 ጾኦሲ ሚና ቤርታ ኔኤም ዓይሣሢ ሃያታሢሮ ዓኣዴ፤ ሙዎ ኔኤኮ
ሙዔ፥ ዎይኖ ዑዦታ ዑሽኪ ዴኤቦ ዛኣሪ ዎዛዴ።

8 ቢያ ዎዴ ቦኦሬ ዓፒላ ማይንቴ ቶኦኮዋ ኔኤኮ ቲሽቴ።

9 ሃያ ሳዓ ጾኦሲ ኔኤም ዒንጌ ጉሪ ማዔ ናንጎይዳ ቢያ ኔኤኒ ኔኤኮ
ናሽካ ማቸና ዋላ ዎዛዴ፤ ኔኤኮ ሳዎ ሜታሢ ናንጎይዳ ኔ ላባ ባኮኮ
ቢያ ኔኤም ዒንጊንቴማ ዬያኬ።

10 ኩጫ ኔኤኮ ማዳ ባኮ ቢያ ማዲ ኩንሣ፤ ኔ ሃይቁ ዱኡቴሰካፓ
ማዲንታ ማዲኒ ማሊ ቱኪሢንታ ጨንጨሞዋ ባኣሴ።

11 ሜሌ ሃሣ ሳዎይዳ ታ ዛጌ ባኣዚ ዓላኔ፤ ዬይያኣ፡- ሩኡሪ
ጳሽካ ዓሳ ቢያ ዎዴ ባሼ ቢሩዋኣሢ፥ ጾሎና ዔርቴ ዓሳ ቢያ ዎዴ
ጾሊ ባሹዋኣሢ፥ ዔር ዓሳ ሙዎንዶ ባኣዚ ቢያ ዎዴ ዴንቁዋኣሢ፥
ጨንጮ ዓሳ ቢያ ዎዴ ቆሎ ዴንቁዋኣሢ፥ ዔራቶ ዓላ ዓሳኣ ቢያ ዎዴ
ቦንቸንቴዋኣሢኬ፤ ጋዓንቴ ቢያሢ ፔቴ ፔቴና ፑርታ ባሊቲ ሃላኔ።

12 ያዲ ማዔቴያ ፔቴ ፔቴ ዓሳ ዬይ ፑርቶ ባካ ዓይዶ ዔያቶ
ሄላንዳቴያ ዔሩዋሴ፤ ካፒ ፒሮና ዓዲንታሢጉዲ፥ ሞላኣ ፑርታ
ባሊቲና ፒራሢዳ ጌሊ ዓዲንታሢጉዲ ዓሲ ቢያ ማሊባኣዎ ፑርታ
ባኣዚና ዓዲንታኔ።

ዔራቶ ዔኤያቶይዳፓ ባሼ ማዔሢ

13 ዬያጉዲ ሃሣ ሳዎይዳ ታኣኒ ዛጌ ሜሌ ባኣዚ ዓላኔ፤ ዬይያኣ፡-
ዔራቶ ዴኤፒ ኮኦኪንሢ ማዔሢኬ።

14 ዳካ ዴሬ ናንጋ ፔቴ ዳካ ካታማሰኪና ዓላኔ፤ ዬኖ ካታሜሎ ፔቴ
ዎልቁና ዓላ ካኣቲ ያላኒ ዔሩዋንቴ ሙኪ፥ ዙሌና ዴኤፒ ዋርዲዬ
ቤሲ ኮሽ ዒዞ ማንጌኔ።

15 ዒማና ዬኖ ካታሜሎይዳ ናንጋ ፔቴ ጨንጨ ማንቆ ዓሲሰኬይ
ካታሜሎ ፔ ጨንጨሞና ዓይሴኔ፤ ጋዓንቴ ዬያ ማንቃሢ ጾኦኒያ
ማሊ ጳቂሢባኣሴ።

16 ታኣኒ ዒማና ጨንጨሞ ዎልቁይዳፓ ባሼ ማዔሢ ዔሬኔ፤
ጋዓንቴ ማንቆ ዓሢኮ ጨንጨማ ዱኡኪንቴኔ፤ ዑኡዛኣ ዒዛሲ
ዋይዚንቴባኣሴ።

17 ዔኤዮ ዓሰ ወይሆ ዓሲ ዔያቶ ባአካ ዒላታሢዳፓ ታሢ ኬኤዚንታ ጨንጫ ዓሲኮ ዑኡዛ ዋዋይዚንታ።

18 ጨንጫዎ ያልዚ ዓንጋሞይዳፓ ባሼኬ፤ ጋዓንቴ ፔቴ ጎሜ ዓሲ ሚርጌ ኮሺ ባአዚ ፑርቲሳኔ።

10

1 ሃይቄ ወፃሌ ሳውቁሲ ኮሾና ቲዡ ዛይቶ ዛዛዒሳኔ፤ ዬያጉዲ ደካ ዔኤያቶ ደኤፖ ዔራቶና ቦንቾና ባይዛኔ።

2 ጨንጫ ዓሲኮ ዒና ፒዜ ማላሢዳ ማዓዛ፣ ዔኤያ ዓሲኮ ጋዓንቴ ደቢንቴ ማላሢዳ ማዓኔ።

3 ዔኤያ ዓሲ ሃንታ ጎይፆይዳ ቢያ ማላሢ ባአያ ማዓኔ፤ ዬያይዲፆና ዓሲም ቢያ ፔኤኮ ዔኤያቶ ፔጋሲ ዔርዛኔ።

4 ዚቲ ጌይ ጊቢ ዳንዳዒሢ ደኤፒ ደቢንቴ ጋጋፒሳሢሮ ኔኤኮ ሱኡጋሢ ኔና ጎራ ዋዶና ኔኤኒ ማዳ ቤዛፓ ዓጊፂፖ፤

5 ሃሣ ሳፆይዳ ሜሌ ፑርታ ባአዚ ታ ዛጌኔ፤ ዬይያ ዓሰ ወይሆ ዓሳ ማዳ ጌና ማዳከ።

6 ዔኤዮ ዓሳ ደግ ጌዔ ቢታንቶ ዴንቃዛ፣ ፆርጎጮ ዓሳ ጋዓንቴ ኬኤሬንቴያ ማዒ ሂርኬ ቤሲዳ ማዓኔ።

7 ሱኡጋ ሚኢሺ ጨንጋ ማዳ ዓሰጉዲ ቶኪና ሃንታዛ፣ ዬይ ማዳ ዓሳ ጋዓንቴ ፓር ቶጊ ዓአዳያ ታ ዛጌኔ።

8 ዔቴ ቦአካ ዓሲ ፔኤሮ ዬያ ዔታ ሎኦማኒ፣ ቲኢሢ ሻሃሢያአ ሾኦሺና ደይንታኒ ዳንዳዓኔ፤

9 ሹቹ ቦኦኪ ኮላሳ ዓሲ ፔኤሮ ፃአማዳኔ፤ ሚሢ ዳላሢያአ ዒ ዳላ ሚፃ ዒ ዛይዳ ሜቶ ሄሊሳኔ።

10 ሄርጋ ቱኒ ዋርቂንቴባአቴ ሚርጌ ዋልቄ ጋፒሳኔ፤ ጨንጫዎ ጋዓንቴ ማዳ ማዳ ዓአፓንዳጉዲ ማሃኔ።

11 ማርሾና ኔ ደሊሳንዳሢኮ ቤርታ ሾኦሺ ኔና ደዔያታቴ ማርሻ ዓይጎዋ ኔና ማአዲዋሴ።

12 ጨንጫ ዓሲ ፔ ጌኤዘና ቦቦንቹንታኔ፤ ዔኤያ ዓሲ ጋዓንቴ ፔ ጌኤዘና ባይቃኔ፤

13 ዔኤያ ዓሲ ጌኤዘ ዔኤያቶና ዓርቃፆ ደኤፒ ዡኦሹሞና ጋፒሳኔ።

14 ዔኤያ ዓሲ ካራባአ ሃይሴ ሚርጊሻኔ።

ሃጊ ሴካ ማዓንዳ ባኮ ዔራ ዓሲ ባአሴ፤ ዓሲ ሃይቄሰካፓ ማዳንታ ባኮ ዒዛም ኬኤዛይ ባአሴ።

10:8 ዓይኑ. 7:15፤ ኮኦኪ. 26:27።

15 ዔኤያ ዓሲኮ ማዳ ዒዛ ላላቢሳኔ፤ ካታሞ ባንሢ ዔኪ ዓኣዳ ጎይያ ዒ ዔሩቀሴ።

16 ዔና፤ ካኣቲ ኔኤኮ ናይ ማዔዘ፥ ሱኡጋኣ ኔኤኮ ጉቴና ዓኣንቴ ሙኡዚ ገኢጊሻ ዓጨሌ ኔና ባዳዔ።

17 ኔኤኔ ካኣቲ ኔኤኮ ቦንቸንታ ዜርፃፓ ማዔ፥ ዶዶሞና ዋልቄና ዴንቃኒ ሌሊ ዳካና ሙይ ዑሽካ ሱኡጋ ዓኣ ዓጨሌ ኔ ዓንጂንቴያኬ።

18 ፔቴ ዓሲ ቤልፃ ማዔቴ ማኣራ ዒዛኮ ዛላዳኔ፥ ያዲያ ፆፆዳኔ።

19 ሙኡዚ ሚኢቸሞ ገኢጊሻኔ፥ ዋይኔ ዑሺያ ኔና ዋዛሳያ ማዓኔ፤ ያዲ ማዔቴያ ሚኢሽ ባኣንቴ ዬይ ቢያ ጳዲሞሴ።

20 ታና ዋይዛ ዓሲ ባኣሴ ገይ ዓኣሸንቴታቶሞ ካኣቲ ደንኪፖ፤ ኔ ላሃ ቤዛ ሻኣላ ዓኣፆ ዖርጎጫሢ ጨሽኪፖ፤ ገይንታ ባኮ ዴሚና ዋይዛ፥ ገኤዘ ዔኪ ሃንታ ዓሳ ካፒጉዲ ጋኣሲና ባራኒ ዴንዲ ዬያ ኔኤኮ ኬኤዛኒ ዳንዳዓኔ።

11

ዔሮ ዓሲ ማዳኒ ኮይሳ ባኣዚ

1 ዒንጋኒ ኮይሳሢሞ ኮሹሞና ዚቲ ጋዓፆ ዒዒንገ፤ ሚርጌ ዋዴኮ ገንፃፓ ኔ ዬያ ዛሎ ዴንቃንዳኔ።

2 ሴካ ቤርታ ሳይይዳ ዓይጎ ባኣዚ ማዓንዳቴያ ኔ ዔሩቀሴ፤ ዬያሮ ኔኤኮ ዓኣ ቆሎ ላንካይ፥ ሃንጎ ሳሊ ቤሲ ፓቂ ገሢ።

3 ሻኣሬ ሚርጌ ካርቴ ዋዶና ዒርዚ ዋዋርቃኔ፤ ሚሢ ሊካ ማዔቴያ ሌካ ዶዴቴ ዒኢካ ዶዴ ቤዛ ዓታኔ።

4 ዠባሬ ካፓሢ ዜርሢ ዜርቁሞሴ፤ ሻኣሬ ዛጋሢ ሃኣኮ ካሢ ዓርሡሞሴ።

5 ዠባሬ ሃንታ ጎይሢንታ ዓሲኮ ሸምፓ ዒንዶ ጎጶይዳ ማዠንታ ጎይያዋ ኔ ዔሩቀኣሢጉዲ ቢያ ባኮ ማዠ ያኣዛሢ ፔ ማዶ ዋመይዲ ማዳቴያ ዔራኒ ኔ ዳንዳዑሞሴ።

6 ጉቴ ማዔቴያ ዓቢ ጌላ ዜርሢ ዜሪያ ሃሸፖ፤ ቢያሢ ባቃላንዳሞ ባቃሊንዳሞ ዋኖ ዋዶና ዜርቁቴ ባቃሊ ካፃንዳቴያ ዴማሲ ኔ ዔራኒ ዳንዳዑሞሴ።

7 ፖዒ ዛገ ሚሸኩሞ ባኣዚኬ፤ ዬያሮ ሮኦርፖ ዛገ ዛገ ዋዛዲፃ ኮሺኬ።

8 ዓሲ ዋዚ ሚርጌ ለዔ ናንጌቴያ ዬንሢ ዒዛሞ ዒንገንቴ ዋዶንሢዳ ቢያ ዋዛዳኒ ዒ ዳንዳዓኔ፤ ጋዓንቴ ሚርጌ ዴሚ ኬሊያኣ ዓኣሢ ማሎንጎ፤ ዬይ ኬላ ሚርጌኬ፤ ሙካንዳ ባካ ቢያ ጉሪ ባኣዚኬ።

ዲጌም ማዓ ዞር

9 ዲጌዞ! ኔኤኒ ዲጌ ዓኣ ዎደማና ዎዞዲ፤ ኔኤኮ ዲጋቶ ዎደማና ዒና ኔኤኮ ዎዞሴ፤ ኔ ሹና ጌዔ ጎይያ ዓኣፓ ኔኤኮ ዞጋ ባኮ ቢያ ማዲ፤ ጋዓንቴ ዬያ ቢያ ባኮር ያኦሲ ኔና ዎጌ ቤሲ ዔኪ ሙካንዳሢ ዔሬ።

10 ዬያር ማሊ ሂርጊሢ ዒናፓ ኔኤኮ ባይዜ፤ ፑርታ ባኣዚያኣ ኔጊዳፓ ሺኢሹ፤ ዲጋቶ ናንጊና ሄርሺንቴሢ ጉሪ ባኣዚኬ።

12

1 ሚታሳ ዎዴ ሄለባኣንቴ፤ «ታና ዎዞሱዎሴ» ኔ ጋዓ ለዓ ሙኩዎንቴ፤ ዲጋቶ ዎደና ኔና ማዜሢ ማሌ።

2 ዓባንታ ዓጊኖንታ ዠኦጋሢ ፖዓኣ ኔኤም ዲሙዎንቴ፤ ዒራ ዎርቁሰካፓ ሻኦራ ቤዛፓ ዔቁዎንቴ፤

3 ማኦር ካፓ ዓሳ ጎጋይቃ ዎደና፤ ደዲ ማዔ ዓሳ ጊኢራፓ ዎቢ ኩንታ ዎደና፤ ሃኦኮ ዎዲ ዓሳ ዲካ ማዒያይዲፓ ዔቁያና ሃኦኮ ዎዲ ዔያታ ሃሻዛ፤ ፑልቶ ካርና ዞጋ ዓሶኮ ዓኣፓ ቴሊዮ ጌይ ዠኣሊ ዞጋዛ፤

4 ዓሳ ቡካ ጰኦኮ ባንሢ ኬሰካ ካራ ዎዲንታዛ፤ ዎንፃ ያኦላ ዑኦዞ ባይቃዛ፤ ዓሲያ ካፒ ያኦሌም ጰጫዛ፤ ዓይኔማኣ ቢያ ላባዛ፤

5 ለካ ዲኮ ኬዞ ዓጊቻዛ፤ ቶኮና ሃንቴፃ ሜታሳያ ማዓዛ፤ ለውዜ ጌይንታ ሚፃ ቡናዛ፤ ዓቢፃ ዬያኮ ቶኦኮ ጎቻዛ፤ ኮይሳያ ማዓ ባኣዚ ባይቃዛ፤

ዬና ዎደና ዓሲ ፔኤኮ ናንጊና ናንጎ ማኦሪ ዓኣዲንዳኔ፤ ዬኤፖ ዬኤካ ዓሳ ጰኦካ ዬኤኪ ዬኤኪ ሺራንዳኔ።

6 ቢር ዓንጋፓ ኮሻና ቁንታሢ ዲጰዎንቴ፤ ዎርቆፓ ኮሺንቴ ፖፃ ጌሦ ሻርና ሜቁዎንቴ፤ ዎኦያ ዲዎ ጉዞ ዓልቃ ዎኦያ ካራ ሃይቁዎንቴ፤ ዔታፓ ዎኦያ ጎቾ ሱዞ ዲጰዎንቴ፤

7 ዓሻካ ሊካ ዓጮ ባንሢ ማዒባኣንቴ፤ ሹምፓሢያ ለካ ማዜ ያኦዞሢ ባንሢ ዓኣዲባኣንቴ ኔና ማዜ ያኦዞሢ ማሌ።

8 ዔራሢ ኬኤዞያ፡- «ጉሪ፡ ቢያ ባኣዚ ጉሪኬ!» ጌዔ።

ጋፒንሢ ሃይሴ

9 ዔራሢ ጨንጨዎ ሌሊቱዎንቴ ዔራቶዎ ደር ዔርዚሢ ሳርቁኔ፤ ሚርጌ ኮኦኪንሢ ኮሺ ዞጊ ዔሪሰካፓ ዎሊ ሄሊሲ ጊኦሺሹኔ፤

10 ዔራሢ ፒዜ ማዔ ሃይሴ ዴንቃኒ ኮሺ ዞጌኔ፤ ዬያር ዒዚ ፃኦፔ ባካ ቢያ ጎኔ፤ ሃሢ ፒዜ ባኣዚኬ።

11 ዔሮ ዓሶኮ ጌኤዛ ጌማቶ ጎሽኮሮ ዓጪሶና ዓንጎጉዲኬ፤
ዬይ ፔቴይዳ ቡኩሲንቴ ኮኦኪንሣ ኮሺ ጌልዚ ጳርቆና ፃውናጉዲ
ማዓዛ፣ ዬይ ቢያሢ ቆልሞ ሄንቃ ፔቴ ዓሲ ኬኤዜም ዔኮናያኬ።

12 ታ ናዓሢዮ! ሃያ ጌይንቴሢፓ ዑሣ ዓይጎ ባኣዚ ማዔቴያ ኔና
ዔሬ፤ ሃያይዳ ፔቴ ባኣዚታዎ ቃሲፖ፤ ሚርጌ ማፃኣፔ ፃኣፒ ኩርሳኒ
ፔቴታዎ ዳንዳዒንቴዎሴ፤ ዔኤቢ ዔራኒ ሚርጌ ማሊ ሃንቴሢ ኔና
ላቢሳኔ።

13 ዓካሪ ሃይሾ፣ ቢያ ባካ ኬኤዚንቴኔ፤ ቢያ ባኮኮ ጋፒንፃ ዬያኬ፤
ፆኦሲ ዒጊጩ፣ ዓይሢፆዎ ዒዛኮ ካፔ፤ ዬይ ዓሲ ማዳኒ ኮይሳ
ባኣዚኬ።

14 ኮሺ ማደ ማዔቴያ ፑርታ ማደ፣ ዓኣሺንቴ ባኮዎ ቢያ ዓይሱዎዎ
ፆኦሲ ዎጌ ቤሲ ዔኪ ሺኢሻንዳኔ።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929